

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-29212/25
Sarajevo, 24.2.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Izgradnja spomen obilježja kod O.Š. "Umihana Čuvidina"

I

Okvirni sporazum u postupku javne nabavke - Izgradnja spomen obilježja kod O.Š. "Umihana Čuvidina", broj obavještenja 422-1-3-231-3-302/25 objavljeno na Portalu javnih nabavki dana 31.12.2025. godine, ispravka TD_IZM1_422-1-3-231_25 od 07.01.2026. godine i ispravka TD_IZM2_422-1-2-231_25 od 16.01.2026. godine, i "Službenom glasniku BiH- Oglasnik javne nabavke" br. 1/26 od 09.1.2026. godine, dodjeljuje se ponuđaču "Eko Teh" d.o.o. Sarajevo sa ponudom u iznosu od 837.455,56 KM bez PDV-a, odnosno 979.823,01 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-29212/25 od 30.12.2025.godine Općina Novi Grad Sarajevo pokrenula je otvoreni postupak javne nabavke - Izgradnja spomen obilježja kod O.Š. "Umihana Čuvidina", broj obavještenja 422-1-3-231-3-302/25 objavljeno na Portalu javnih nabavki dana 31.12.2025. godine, ispravka TD_IZM1_422-1-3-231_25 od 07.01.2026. godine i ispravka TD_IZM2_422-1-2-231_25 od 16.01.2026. godine, i "Službenom glasniku BiH- Oglasnik javne nabavke" br. 1/26 od 09.1.2026. godine. Procijenjena vrijednost nabavke shodno Odluci je 837.606,84 KM bez PDV-a, odnosno 980.000,00 KM sa PDV-om.

Zapisnikom o otvaranju ponuda od 22.1.2026. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „Centar-Han“ d.o.o. Sarajevo sa ponuđenom cijenom za okvirni sporazum u iznosu od 837.398,10 KM bez PDV-a,

2. "Džekos" d.o.o. Sarajevo sa ponuđenom cijenom za okvirni sporazum u iznosu od 837.480,53 KM bez PDV-a,
3. "Eko Teh" d.o.o. Sarajevo sa ponuđenom cijenom za okvirni sporazum u iznosu od 837.455,56 KM bez PDV-a.
- Zapisnik sa otvaranja ponuda dostavljen je ponuđačima na fax / e-mail u zakonom predviđenom roku.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „Centar-Han“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - da je ponuđač opremljen neophodnom mehanizacijom i opremom za obavljanje predmetnih radova: dizalica / kran nosivosti minimum 5 t - 1 kom., bager - 1 kom., rovokopač - 1 kom., kamion kiper minimum nosivosti 10 t - 1 kom., utovarivač - 1 kom., teretno vozilo nosivosti minimum 3 t - 1 kom., stolna testera za rezanje kamena, brusilice i polir mašine, ručni klesarski alat, oplata minimum 100 m², građevinska skela minimum 100 m², vibrator za beton.

Tačkom 3.4.2. (d) propisano je da se navedeno dokazuje na sljedeći način: kao dokaz o obezbjeđenosti opreme i mehanizacije neophodne za obavljanje predmetnih radova: dizalica / kran nosivosti minimum 5 t - 1 kom., bager - 1 kom., rovokopač - 1 kom., kamion kiper minimum nosivosti 10 t - 1 kom., utovarivač - 1 kom., teretno vozilo nosivosti minimum 3 t - 1 kom., stolna testera za rezanje kamena, brusilice i polir mašine, ručni klesarski alat, oplata minimum 100 m², građevinska skela minimum 100 m², vibrator za beton. Kao dokaz se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole; a za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu ponuđača „Centar-Han“ d.o.o. Sarajevo konstatovano je da je:

- na stranicama 77-78 ponuđač je dostavio knjigu osnovnih sredstava sa označenom pozicijom vibrator za beton, ali za predmetnu radnu mašinu nije dostavljena ovjerena kopija važeće upotrebne dozvole, kako je traženo tenderskom dokumentacijom.
- na stranici 80 ponude ponuđač je dostavio ugovor potpisan između Marbo-Stone d.o.o. Kiseljak i Centar-Han d.o.o. Sarajevo o zakupu opreme za mašinu za rezanje kamena, stroj za poliranje, stubna bušilica i ručni klesarski alat, i na stranicama 81-86 ponude ponuđač je dostavio dokumente o periodičnim pregledima i ispitivanjima sredstava rada za mašinu za rezanje kamena i stroj za poliranje, u kojima je navedeno da se izdaje upotrebna dozvola, ali iste nisu priložene, kako je traženo tenderskom dokumentacijom. Stubna bušilica nije zahtijevana tenderskom dokumentacijom;
- na stranici 93 ponude ponuđač je dostavio ugovor potpisan između Sal-Trans d.o.o. Sarajevo i Centar-Han d.o.o. Sarajevo o zakupu opreme za teretno vozilo SG radna dizalica - kran. Ponuđač je dostavio važeću saobraćajnu dozvolu za teretno vozilo sa dizalicom - kranom, ali nije dostavio upotrebnu dozvolu za navedeni kran, niti zapisnik ili drugi dokument iz kojeg se može ustanoviti minimalna nosivost kрана, jer je tenderskom dokumentacijom traženo minimalne nosivosti 5t.
- ponuđač nije dostavio dokaz o obezbjeđenosti brusilice, kako je traženo tenderskom dokumentacijom.

Iz naprijed navedenog razloga utvrđeno je da ponuđač „Centar-Han“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuda ponuđača "Džekos" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost - da ponuđač u radnom odnosu na neodređeno vrijeme ima zaposlenog jednog VSS diplomiranog inženjera -

građevinske ili arhitektonske struke sa položenim stručnim ispitom i najmanje 5 /pet/ godina radnog iskustva u struci;

Tačkom 3.4.2. (b) i (c) propisano je da se navedeno dokazuje na sljedeći način: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke, sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili ovjerena kopija) i Dokaz o stručnoj spremi, položenom stručnom ispitu i radnom iskustvom za jednog VSS diplomiranog inženjera - građevinske ili arhitektonske struke iz tačke b) (original ili ovjerena kopija).* Ponuđač je na stranici 50 dostavio Potvrdu o radnom iskustvu broj 28/26 od 20.01.2026. godine za diplomiranog inženjera građevine Šljivo Nermin. Predmetna potvrda nije prihvatljiva jer u istoj nije navedeno gdje je imenovani stekao radno iskustvo, odnosno da li je zaposlen/angažovan 5 ili više godina u privrednom društvu "Džekos" d.o.o. Sarajevo koje je izdavalac potvrde, niti se to može zaključiti iz druge dokumentacije dostavljene u ponudi obzirom da je u Uvjerenju Porezne uprave FBiH navedeno da je datum osiguranja imenovanog od 01.6.2025. godine, a što je manje od 5 godina i suprotno navodima potvrde obzirom da se u istoj ne navode eventualne promjene u statusu osiguranja imenovanog. Izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovani ostvario kod izdavaoca potvrde, a ne o radnom iskustvu koje je ostvareno kod drugog poslodavca.

Komisija je utvrdila da ponuda ponuđača "Džekos" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - da je ponuđač opremljen neophodnom mehanizacijom i opremom za obavljanje predmetnih radova: *dizalica / kran nosivosti minimum 5 t - 1 kom., bager - 1 kom., rovokopač - 1 kom., kamion kiper minimum nosivosti 10 t - 1 kom., utovarivač - 1 kom., teretno vozilo nosivosti minimum 3 t - 1 kom., stolna testera za rezanje kamena, brusilice i polir mašine, ručni klesarski alat, oplata minimum 100 m², građevinska skela minimum 100 m², vibrator za beton.*

Tačkom 3.4.2. (d) propisano je da se navedeno dokazuje na sljedeći način: *kao dokaz o obezbjeđenosti opreme i mehanizacije neophodne za obavljanje predmetnih radova: dizalica / kran nosivosti minimum 5 t - 1 kom., bager - 1 kom., rovokopač - 1 kom., kamion kiper minimum nosivosti 10 t - 1 kom., utovarivač - 1 kom., teretno vozilo nosivosti minimum 3 t - 1 kom., stolna testera za rezanje kamena, brusilice i polir mašine, ručni klesarski alat, oplata minimum 100 m², građevinska skela minimum 100 m², vibrator za beton. Kao dokaz se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole; a za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).*

Uvidom u dostavljenu ponudu ponuđača „Centar-Han“ d.o.o. Sarajevo konstatovano je da je:

- Na stranici 86. ponude ponuđač je dostavio ugovor o iznajmljivanju opreme između "Džekos" d.o.o. Sarajevo i "Villa Projekt" d.o.o. Mostar za stolnu testeru za rezanje kamena, brusilice, polir mašine i ručni klesarski alat, međutim nije priložio upotrebne dozvole za navedene mašine, a samim tim nije dokazao da "Villa Projekt" zaista posjeduje navedenu opremu.

Iz naprijed navedenog razloga utvrđeno je da ponuđač "Džekos" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (b) i (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača "Eko Teh" d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te utvrdila da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova



Općinski načelnik

mr. Semir Efendić